



Gofal Cymdeithasol **Cymru**
Social Care **Wales**



Dysgu ac Addysg Proffesiynol Parhaus i weithwyr cymdeithasol

EICH CWESTIYNAU WEDI ATEB

Beth yw fframwaith DAPP?

Mae'r fframwaith Dysgu ac Addysg Proffesiynol Parhaus (DAPP) yn gyfres o raglenni addysg a hyfforddiant i gefnogi gweithwyr cymdeithasol wrth iddyn nhw ddilyn eu gyrfaedd ac ysgwyddo swyddogaethau newydd. Mae'n berthnasol i weithwyr cymdeithasol yn y sectorau statudol, y trydydd sector a'r sectorau annibynnol.

Pam ddatblygwyd y fframwaith DAPP?

Datblygwyd y fframwaith DAPP i ddarparu dysgu o ansawdd uchel i weithwyr cymdeithasol drwy gydol eu gyrfaedd. Mae'n darparu gweithwyr cymdeithasol gyda'r uwch wybodaeth a'r sgiliau y maen nhw eu hangen i ysgwyddo mwy o waith cymhleth a swyddogaethau newydd. Bwriedir gwella hyder proffesiynol drwy gynyddu gwybodaeth ynghyd â chyflwyno offer ac ymyriadau newydd ar gyfer ymarfer.

Beth yw'r rhaglenni DAPP ac ar gyfer pwy maen nhw?

Mae fframwaith DAPP yn cynnwys pedair rhaglen:

Rhaglen Gadarnhau

Mae hon yn cefnogi gweithwyr cymdeithasol wrth iddyn nhw symud o un sydd wedi graddio mewn gwaith cymdeithasol i fod yn ymarferwr cymwys. Mae'r rhaglen yn adeiladu ar y radd gwaith cymdeithasol ac mae'n rhan o fframwaith **Y Tair Blynedd Gyntaf o Ymarfer**.

Rhaid i weithwyr cymdeithasol sy'n cymhwyso ar ôl 1 Ebrill 2016 ac sy'n derbyn swydd gwaith cymdeithasol gwblhau'r Rhaglen Atgyfnerthu yn eu cyfnod tair blynedd cyntaf o gofrestru er mwyn gallu adnewyddu eu cofrestrriad. Ar gyfer gweithwyr cymdeithasol a gymhwysodd ar ôl 2012, mae'n ofyniad ar gyfer mynediad at y Rhaglen Ymarfer Profiadol mewn Gwaith Cymdeithasol. Bydd gweithwyr cymdeithasol yn derbyn lleiafswm o 30 credyd ar Lefel 6 (lefel graddedigion).

Rhaglen Ymarfer Profiadol mewn Gwaith Cymdeithasol

Mae hon yn ymestyn gwybodaeth a sgiliau'r gweithiwr cymdeithasol profiadol drwy ddadansoddi manau penodol o ymarfer a myfyrio yn feirniadol arnyn nhw. Bydd gweithwyr cymdeithasol yn derbyn cyfanswm o 60 credyd ar Lefel 6 (lefel graddedigion) neu Lefel 7 (lefel meistr). Bydd y rhaglen yn digwydd dros dwy flynedd:

Blwyddyn 1 – addysgu a dysgu craidd mewn tri maes:

- plant a theuluoedd neu oedolion
- iechyd meddwl a llesiant
- galluogi eraill.

Blwyddyn 2 – ymchwiliad mewn maes arbenigol a gytunwyd rhwng y gweithiwr cymdeithasol a'u cyflogwr.

Rhaglen Uwch Ymarfer mewn Gwaith Cymdeithasol

Mae hon yn paratoi gweithwyr cymdeithasol sy'n ymgymryd ag ymarfer gwaith ar lefel fwy cymhleth ac yn goruchwylio pobl eraill. Mae gweithwyr cymdeithasol yn derbyn cyfanswm o 60 credyd ar Lefel 7 (lefel meistr). Bydd y rhaglen yn digwydd dros ddwy flynedd:

Blwyddyn 1 – addysgu a dysgu craidd mewn dau faes:

- ymgysylltu ac ymarfer
- arweinyddiaeth a datblygiad proffesiynol.

Blwyddyn 2 – maes ymchwil arbenigol a gytunwyd rhwng yr uwch weithiwr cymdeithasol a'u cyflogwr, neu gellir trosglwyddo credydau o gyrsiau achrededig penodol sydd wedi cael eu cwblhau.

Rhaglen Gweithiwr Cymdeithasol Ymgynghorol

Mae hon ar gyfer gweithwyr cymdeithasol mewn ymarfer arbenigol ac ar gyfer swyddogaethau datblygiadol a swyddogaethau arweinyddiaeth. Mae gweithwyr cymdeithasol yn derbyn 60 credyd ar Lefel 7 (lefel meistr). Mae gan y rhaglen ddau lwybr, sef:

Y llwybr modiwlwr – cwblhau tri modiwl dros ddwy flynedd:


- Blwyddyn 1 – ymarfer gwaith cymdeithasol proffesiynol
- Blwyddyn 2 – dadansoddi a gwerthuso, datblygu a lledaenu.

Llwybr y traethawd hir – cwblhau traethawd hir dros ddwy flynedd. Bydd y gweithiwr cymdeithasol yn datblygu prosiect ymchwil manwl yn eu maes ymarfer arbenigol.

A ydi'r rhaglenni yn arwain at ddyfarniadau academiaidd?

Bydd gweithwyr cymdeithasol sy'n cwblhau'r rhaglen DAPP llawn yn llwyddiannus yn derbyn dyfarniad academiaidd. Er enghraifft, bydd gweithiwr cymdeithasol sy'n cwblhau'r Rhaglen Ymarfer Profiadol mewn Gwaith Cymdeithasol ar Lefel 7 yn derbyn tystysgrif i raddedigion.

Gall fod yn bosibl i ddatblygu dyfarniadau academiaidd. Er enghraifft, gall gweithiwr cymdeithasol sy'n cwblhau'r Rhaglen Ymarfer Profiadol mewn Gwaith Cymdeithasol ar Lefel 7 ac yna yn cwblhau'r Rhaglen Uwch Ymarfer mewn Gwaith Cymdeithasol dderbyn diploma ôl-radd.



Sut y gallaf gael mynediad at y rhaglenni DAPP?

Mae gweithwyr cymdeithasol sy'n gweithio fel gweithwyr cymdeithasol yng Nghymru yn cael mynediad at y rhaglenni DAPP drwy eu cyflogwr. Os yw cyflogwr yn ansicr o sut i gael mynediad at y rhaglenni, dylen nhw gysylltu â ni. Dylai gweithwyr cymdeithasol annibynnol (hunangyflogedig) gysylltu â ni yn ogystal i gael gwybodaeth.

Gallwch ffonio ni ar **0300 30 33 444** neu e-bostio ni ar **gwybodaeth@gofalcymdeithasol.cymru**

Pwy sy'n cynnal y rhaglenni a sut maen nhw yn cael eu darparu?

Mae'r Rhaglen Gadarnhau yn cael ei darparu gan gyflogwr sy'n gweithio mewn partneriaeth â phrifysgol. Gall gweithwyr cymdeithasol ddisgwyl cael eu haddysgu wyneb yn wyneb, drwy wneud astudiaeth hunangyfeiriedig a thrwy baratoi portffolio.

Mae gweddill y rhaglenni DAPP yn cael eu darparu gan gynghrair o brifysgolion, sef Bangor, Caerdydd, Glyndŵr ac Abertawe. Prifysgol Caerdydd yw'r corff dyfarnu.

Tra bod rhywfaint o addysg a chefnogaeth tiwtorial wyneb yn wyneb, mae pwyslais cryf ar ddysgu o bell a dysgu ar-lein. Rydym yn cymeradwyo'r holl raglenni DAPP, yn unol â'n swyddogaeth fel rheoleiddiwr hyfforddiant gwaith cymdeithasol yng Nghymru.

Beth sy'n digwydd os oes gennyf eisoes gymwysterau ôl-radd?

Rydym yn darparu canllawiau ynglŷn â sut mae cymwysterau ôl-radd cydnabyddedig eraill, fel y cymwysterau gweithiwr proffesiynol iechyd meddwl ac aseswr ymarfer cymeradwy, yn cydweddu neu'n cymharu â'r rhaglenni DAPP. I weithwyr cymdeithasol sydd eisoes yn meddu ar

gymhwyster ôl-radd, gall barhau i fod yn ddefnyddiol cwblhau'r modiwlau DAPP unigol er mwyn cwrdd â'u hanghenion addysg a datblygu parhaus.

Beth sy'n digwydd os ydw i'n rheolwr mewn gwaith cymdeithasol?

Mae'r rhaglenni DAPP wedi cael eu hanelu at weithwyr cymdeithasol sy'n ymarfer. Rydym yn ogystal yn cymeradwyo'r Dystysgrif Ôl-radd mewn Rheoli Ansawdd Ymarfer mewn Gofal Cymdeithasol (Rhaglen ar gyfer Datblygu Rheolwyr Tîm) sydd wedi cael ei hanelu at weithwyr cymdeithasol sydd yn gweithio mewn swyddogaeth reoli.

Beth am sicrwydd ansawdd?

Fel y rheoleiddiwr addysg mewn gwaith cymdeithasol, rydym yn profi sicrwydd ansawdd y rhaglenni DAPP. Yn ogystal, mae gwerthusiad annibynnol o effaith y rhaglenni DAPP yn cael ei gynnal, er mwyn sicrhau eu bod yn cefnogi gweithwyr cymdeithasol yn eu hymarfer.

Sut y gallaf gael mwy o wybodaeth?

I gael mwy o wybodaeth:

- ewch i gofalcymdeithasol.cymru/dysgu-a-datblygu/cymwysterau-gwaith-cymdeithasol er mwyn cael mynediad at ein gwybodaeth DAPP ar-lein
- ewch i www.cpel.ac.uk er mwyn cael mynediad at wybodaeth ynglŷn â'r gynghrair DAPP ar-lein
- gall gweithwyr cymdeithasol siarad â'u cyflogwyr ynglŷn â threfniadau ar gyfer cael mynediad at raglenni DAPP neu raglenni ôl-radd eraill.